

PANAGPLANO ITI NATALGED A KUARTO A PAGKAMANGAN

SAFE ROOM PLANNING

Ania dagiti nasken nga ammuencyo:

◆ Ania ti Natalged a Kuarto a Pagkamangan?

Maysa a kuarto iti uneg ti balay wenco pasdek a negosio a mabalin nga aramiden a pagkamangan no adda emerhensiya iti panawen ti bagyo, wenco sabali pay a peligro.

◆ Kasapulak kadi nga ikonsiderar ti kaadda ti natalged a kuarto?

Wen, kasapulam nga ikonsiderar ti kaadda ti natalged a kuarto a pagkamangan no addaka iti ruar ti lugar a pagbakuitan no adda bagyo/ tsunami wenco lugar a taginayon a malayus.

Adu dagiti pagkamangan a lugar iti tiempo ti emerhensiya iti Oahu, ngem mabalin a napudot ken natao dagitoy, a saan a komportable para kadagiti senior citizens ken dagiti addaan ti disabilidad wenco saan a makabael. Kasapulan pay nga itugot amin a kasapulanyo para iti emerhensiya. Mabalin a makaparigat daytoy para kadagiti adu't miembrona a pamilia, ken dagiti pamilia nga addaan dagiti taraken nga ayup.

Saan, dimo kasapulam nga ikonsiderar ti kaadda ti natalged a kuarto a pagkamangan no addaka iti ruar iti lugar a pagbakuitan iti panawen ti bagyo/tsunami, lugar a malayus, wenco ti balayyo ket naipatakder sakbay ti 1995.


Itsek dagiti mapa para iti lugar a pagbakuitan no adda tsunami iti lokal a direktorio ti telepono, wenco mapan iti www.honolulu.gov/dem ken isurat ti adres yo iti tsunami map viewer box.

Ikonsiderarmo ti mapan iti nadutokan a pagkamangan a lugar no ibilin dagiti opisial iti lokal nga emerhensiya.

Isagana ti natalged a kuartoyo a pagkamangan:

- ◆ Pilien ti kasayaatan a nauneg a lugar para iti natalged a kuarto kas koma ti banio nga awan ti tawana wenco nalawa a kloset wenco pagidulinan dagiti badbado ken dadduma pay a ramramit. Masapul a daytoy ket asideg iti sentro iti pasdek ken awan ti didingna iti ruar.
- ◆ No awan ti nauneg a lugar, pilien ti lugar kas koma ti banio nga addaan dagiti bassit a tawa wenco pasilio. Kadagiti pasdek nga addaan ti adu a tukad, ti lugar nga asideg ti agdan ket mabalinen nga usaren.
- ◆ Ikkon iti naan-anay a proteksion iti nagbaetan ti natalged a kuarto a pagkamangan ken dagiti pagpeggadan iti ruar.
- ◆ Ti natalged a kuarto ket masapul nga addaan ti naan-anay a lugar para iti amin a miembro ti pamilia, taraken nga ayup, kasapulan iti emerhensiya, ken ramramit para iti pagiddaan.
- ◆ Pasikenen ti natalged a kuartoyo a pagkamangan babaen iti panangikabil iti pasikkil kadagiti ridaw, diding ken bobeda.
- ◆ Ammuen ti ad-adu pay nga impormasian panggep dagiti natalged a kuarto a pagkamangan iti FEMA website: www.Ready.gov
- ◆ Usaren ti **HNL.info** tapno agtultuloy a mapakaammuan maipapan iti emerhensiya, dagiti kasasaad ti panawen, dagiti damag maipapan ti trapiko, ken dadduma pay babaen ti SMS wenco Email.

Dagiti Lokasion ti Kasayaatan a Natalged a Kuarto a Pagkamangan



**Department of
Emergency Management**
City and County of Honolulu

Kirk Caldwell, Mayor

650 South King Street

Honolulu, HI 96813

(808) 723-8960

Fax (808) 524-3439

www.honolulu.gov/dem

dem@honolulu.gov

AGPLANO KEN AGSAGANA


ITA PARA ITI SUMARUNO A KALAMIDAD

PLAN AND PREPARE NOWFOR THE NEXT DISASTER

Isaganayo ti 14-Day Disaster Supply Kit

(kabassitan a kasapulan ti tunggal tao iti uneg ti 14 nga aldaw)

Danum Maysa galon a danum tunggal tao iti inaldaw para inumen ken para sanitasion.



Taraon Saan a maperdi a makan a saan a kasapulan a lutuen. Dagiti survival wenco agpaut a taraon kas iti peanut butter, protein shakes, dried fruits wenco naibilag a prutas, & nuts kas mani ken dadduma pay. Gatas a formula para iti beybi & taraon para kadagiti espesial a kasapulan.

Dagiti Ramramit Para iti Pannangan Dagiti plato, ramramit para iti pannangan ken abrelata a de mano.

Radio De-bateria wenco de-posipos a radio nga addaan ti alerto ti Panawen manipud NOAA.

Flashlight nga addaan iti ekstra a bateria

Cell phone ken solar charger.

Sultip Importante iti panangawag iti tulong. Ti uni iti sultip ket ad-adayo ti madanonna ngem iti boses ti tao ken saan unay a makabannog.

Abbung iti Agong ken Ngiwat Kontra iti Tapok Makatulong tapno malapdan ti pannakalang-ab ti nakontaminado nga angin.



Sanitasion Nadadam-eg a totelette wenco babassit a tual-tuala, nalalagda a bag a pagibellengan dagiti basura nga adda pangitalianna, hand sanitizer, toilet paper, baking soda/kitty litter a mangsagepsep iti angot, ken dagiti guantes para iti personal a sanitasion.

Dagiti Rimienta Liabe wenco plais a mangpasardeng kadagiti utilities kas iti kuryente ken danum, rimienta a kangrunaan, duct tape.

Importante a dokumento ken kuarta Itugot dagiti napapateg a papeles iti saan a mabababasa wenco waterproof a pagikabilan.

Dagiti Mapa Dagiti mapa iti lokal a lugar

Medikal Dagiti naireseta nga agas, antipara/contact lenses, dagiti ramramit a pangmedikal, ken maysa a first aid kit.

Taraken nga Ayup Taraon ken ekstra a danum para kadagiti tarakenyo nga ayup.

Kinamanagdalus produkto nga araramaten dagiti babbai, personal a ramramit, dagiti lampin/pasador, suplay para iti di-makontrol a panagisbo ken panagibleng.

Dagiti Retrato Mangitungot ti retratom, retrato ti pamiliam & gagayyemmo tapno makatulong iti panangbirok ti tunggal maysa no mapagsisinakayo.

HNL.info Usaren ti HNL.info tapno agtultuloy a mapakaammuan maipapan iti emerhensiya, dagiti kasasaad ti panawen, dagiti damag maipapan ti trapiko, ken dadduma pay babaen ti SMS wenco Email.

Adalen

Ammuenyo dagiti kalamidad a makaapekto kaniayo ken iti pamiliayo.

Agplano

Mangaramid ken sanayen ti pamilia iti plano maipapan iti kalamidad. Mangituding iti maikadua a pagsasarakan a lugar ken ti maysa a kontaken a tao a taga-sabali nga isla.

Panagplano ti Indibidwal, Pamilia ken Negosyo para iti Kalamidad

Ti panagplano para iti kalamidad ket responsibilidad iti amin. Adalen a naimbag daytoy nga impormasion ken pagtutungtungan a nasayaat ita ken planuen dagiti istrategia iti panagsagana a mairaman dagiti pamilia, gagayyem, kaarruba ken kakadua iti trabaho.



**Department of Emergency Management
City and County of Honolulu**

Kirk Caldwell, Mayor

650 South King Street
Honolulu, HI 96813
(808) 723-8960
Fax (808) 524-3439
www.honolulu.gov/dem
dem@honolulu.gov